



MEMORIA XUSTIFICATIVA E ECONÓMICA DO CONVENIO DE COLABORACIÓN ENTRE O PARLAMENTO DE GALICIA E A AXENCIA PARA A MODERNIZACIÓN TECNOLÓXICA DE GALICIA PARA A COMPARTICIÓN DE INFRAESTRUTURAS, TÉCNICAS, E OS SERVIZOS COMÚNS QUE PERMITAN A RACIONALIZACIÓN DOS RECURSOS TIC

Antecedentes

O Parlamento de Galicia (en adiante, o Parlamento) é un poder estatutario que ten como función representar o pobo de Galicia e que é a primeira das institucións da Comunidade Autónoma Galega da que se derivan todas as outras. Está facultado para exercer os poderes públicos de Galicia , xunto coa Xunta de Galicia e o seu presidente , segundo dispoñen os artigos 9 e 10 do Estatuto de Autonomía de Galicia e de conformidade coa Constitución Española. No artigo 60 1. do Regulamento do Parlamento establécese que disporá dos medios persoais e materiais necesarios para o desenvolvemento das súas funcións, especialmente de servizos técnicos, de documentación e de asesoramento.

O artigo 1 do Decreto 252/2011, do 15 de decembro,(modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (CIXTEC) e se modifica o Decreto 252/2011), dispón a creación da Axencia para a Modernización Tecnolóxica de Galicia (en diante Amtega) como axencia pública autonómica que ten por obxecto a definición, desenvolvemento e execución dos instrumentos da política da Xunta de Galicia relativa a tecnoloxías da información e comunicacións, así como innovación e desenvolvemento tecnolóxico. Correspóndenlle as competencias de cara ao impulso, xestión e coordinación da Administración electrónica no ámbito da Xunta de Galicia; a promoción e regulación da implantación da Administración electrónica no ámbito da Xunta de Galicia, da súa relación coa cidadanía, e noutras organización de ámbito local e provincial en coordinación coas administracións provinciais e locais correspondentes así como a interlocución e regulación de acordos con outras administración ou órganos en relación co emprego dos sistemas de información corporativos da Xunta de Galicia ou a interconexión con estes.

A Lei 40/2015, do 1 de outubro, de Réxime Xurídico do Sector Público establece, no seu artigo 3, entre os principios xerais das Administracións Públicas, entre outros, a racionalización e axilidade dos procedementos administrativos e das actividades materiais de xestión, así como





os de cooperación, colaboración e coordinación entre as Administracións Públicas. O artigo 47.2, a) recolle os convenios interadministrativos asinados entre dúas ou máis Administracións Públicas, ou ben entre dous ou máis organismos públicos ou entidades de dereito público vinculados ou dependentes de distintas Administracións públicas, e que poderán incluír a utilización de medios, servizos e recursos doutra Administración Pública, organismo público ou entidade de dereito público vinculada ou dependente, para o exercicio de competencias propias ou delegadas.

Asemade a Lei 14/2013, do 26 de decembro, de racionalización do sector público autonómico, contempla, no seu artigo 8, que a Administración xeral da Comunidade Autónoma e as entidades instrumentais do sector público, coa finalidade do uso eficiente dos recursos públicos existentes, realizarán as tarefas de interese público que lles corresponden cos medios persoais, técnicos, materiais e de calquera outro tipo dos que dispoña o sector público autonómico. O artigo 14 da Lei establece que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

Razóns de oportunidade e obxectivos perseguidos

O Parlamento e a Amtega, para garantir o mellor servizo aos intereses xerais, pretenden a formalización do presente convenio de colaboración no desempeño das tarefas de interese público que lles corresponden, cada unha actuando no marco das súas competencias.

Así, o Parlamento require a colaboración e asistencia instrumental da Amtega mediante a prestación por esta do acceso ao Catálogo de sistemas dixitais a disposición dos órganos e entidades do sector público autonómico e os elementos tecnolóxicos necesarios para o funcionamento dixital.

O presente convenio de colaboración, polo tanto, busca a eficiencia na prestación dos servizos públicos e a realización das tarefas de interese público que lles corresponden ás partes cos medios persoais, técnicos, materiais e de calquera outro tipo dos que dispón o sector público autonómico. Ten por obxecto establecer as bases da colaboración entre o Parlamento e a a





Amtega, para a compartición de infraestruturas, técnicas e os servizos comúns que permitan a racionalización dos recursos TIC, e que se recollen no Anexo I de Catálogo de sistemas dixitais a disposición dos órganos e entidades do sector público autonómico necesarios para o funcionamento dixital.

Con esa finalidade, no Anexo I "Catálogo de sistemas dixitais" recóllese o sistema "Chave365", que permite aos cidadáns maiores de idade identificarse e asinar documentos na sede electrónica da Xunta de Galicia sen necesidade de usar certificados dixitais nin DNI electrónico. Mediante addenda a este convenio poderanse incluír no "Catálogo de sistemas dixitais" novos sistemas, aplicacións e infraestruturas habilitantes da administración dixital.

O convenio estenderá a súa vixencia dende a data da súa sinatura ata o 28 de febreiro de 2027 , sen prexuízo da súas posibles prórrogas ata un máximo de catro anos adicionais.

Financiamento

As actuacións previstas no presente Convenio non xerarán custos nin darán lugar a contraprestacións financeiras entre as partes, e polo tanto, non precisa consignación orzamentaria.

Santiago de Compostela,
O xerente da Amtega
José Luis Somoza Digón

